



trinitas

1 Verlos

Baie welkom by Trinitas!

Ons sien onself as 'n verlose familie van diensknegte wat gestuur is.

Ontdek saam met ons wat dit vir jou en Vanderbijlpark beteken!

SONDAG, 11 FEBRUARIE 2018

OGGEND 09:00

DIE WOORD GETUIG VAN DIE GENADE WAARMEE GOD ONS OPBOU

Skrifgedeelte: Handeling 20:17-38

Ons werk hard hierdie jaar rondom die bouwerk van *kerkwees*. Ons beplan en sit dinge in plek. Tog vergeet ons dikwels dat ons self ook bouwerk nodig het. In Handeling 20 word ons toevertrou aan die Woord van die Here wat getuig van sy genade. Ons word deur die Bybel, wat duidelik getuig van God se genade, gevorm en verander, sodat ons God werklik kan ken. Daarom is die Woord – hierdie wonderlike evangelie – die erfdeel wat ons ontvang as kinders van God.

Kinder-erediensbegeleiding

Groep 1 en 2: Die vrug van die gees – liefde en vrede. Galasiërs 5

Groep 3: Bespreking van die preek

AAND 18:00

ONS BELY

Die ontstaan en die waarde van ons belydenisskrifte. Ons gesels saam oor die rol daarvan in ons lewens. Ons kyk waarom ons in die 21e eeu steeds kan sê: Ek glo!

PROGRAM VIR DIE WEEK

Vandag

Ouderlingvergadering na
oggenddiens

Dinsdag, 13 Februarie

Lotuslanders byeenkoms 09:30
Bybelstudie 18:30

Woensdag, 14 Februarie

Bybelstudie 09:00

Vrydag, 16 Februarie

Manne-oggend 05:30

SONDAGAANDE: 1E KWARTAAL

Datum	Geleentheid
11 Februarie	Aandbyeenkoms
18 Februarie	Aandbyeenkoms
25 Februarie	Nagmaal 19:00



 facebook.com/GKTrinitas



SIMBOLIEK VAN DIE TRINITAS LOGO



Ons gemeente gebruik nou al 'n paar jaar lank 'n nuwe logo om onself te identifiseer. Hierdie logo is oral sigbaar (voor die kerkgebou, nuusbrieff, webtuiste, kanselkleed ens.). Dit is dus gepas dat ons weer kyk wat die simboliek agter die Trinitas Logo beteken. Die logo bestaan uit 'n simbool van drie mense, in drie verskillende kleure, wat saam 'n eenheid vorm. Aangesien ons vertrekpunt en identiteit altyd in God self lê, verwys die basiese gedagte van die drie mense eerstens, net soos ons gemeente se naam, na die Drie-Eenheid van God. Die kleure verwys na die verskeidenheid binne die eenheid, soos die drie persone van God verskillend is en tog ook een is. Net soos die drie mense wil ons as gemeente ook saamstaan as 'n eenheid – verskillende mense wat saamwerk met oop hande uitgestrek na Bo. So is dit dan ook simbolies van ons identiteit: 'n verlose (die kruisvormige figuur), familie wat saamstaan en ons deel doen, en so oop is om die Drie-Eenheid aan die wêreld te wys. Mag ons elke keer as ons hierdie simboliek sien, herinner word oor Wie alles gaan en dat ons dit ook so moet beliggaam.

2 Familie

LIEF EN LEED

Dink in jou gebede aan hierdie lidmate:

- May Bezuidenhout ☎0825842703 se operasie het goed verloop.

- Jan Swanepoel ☎0828422592 is in Little Company of Mary opgeneem met infeksie - rugoperasie volg na opklaring van infeksie.
- Elbie Ehlers ☎0788010131 sterk steeds by haar ouers aan.

Ons bid vir alle ander lidmate wat met siekte en swakheid worstel.

Laat weet asb. die kerkkantoor van siektes, swaarkry en vreugdes.

VERJAARSDAE: HARTLIK GELUK!

11/02	Rudolph Pieterse	☎0832557310
11/02	Hendrik vd Schyff	☎0827800405
12/02	Marius Geldenhuys	☎0842074217
12/02	Pierre Greeff	☎0798574571
12/02	Michelle Guttner	☎0169811621
12/02	Natasja Pile	☎0824677104
12/02	Quintin Viviers	☎0832278371
13/02	Tanya Keulder	☎0761383737
13/02	Fanie vd Merwe	☎0836261009
13/02	Angenique vd Schyff	☎0843609464
14/02	Hansie Lubbe	☎0781971097
14/02	Heleen Malan	☎0834586996
15/02	Babsie Jacobs	☎0836505227
15/02	Wilma Olckers	☎0796218554
16/02	Renate Brontherton	☎0834159690
17/02	Martie Guttner	☎0833881216

SPESIALE VERJAARSDAE

Geen.

HUWELIKSHERDENKINGS

17 Feb.	Pieter en Maureen van Helden ☎0823922093	11 jaar
---------	--	---------

SPESIALE VERJAARSDAE (80 jaar en ouer) en HERDENKINGS (50 jaar plus)

Die gemeente sing Sondae 'n seënbede vir lidmate wat die genade ontvang het om hierdie besonderse mylpale te bereik.

NUWE LIDMATE

Kom ontmoet gerus die diensouderling na die erediens voor die preekstoel en vul asb. die 'Nuwe lidmaatvorm' by hom in.

BYBELSTUDIES

Dinsdae om 18:30. Stinkhoutsingel 18 (Christa Snyman ☎0798779882).

Dinsdae om 19:00.

Woensdae om 09:00 by die kerkgebou. (tensy anders per SMS gekommunikeer)

TEESKINK

Vanoggend skink Jorien Duminy se groepie. Sondag, 18 Februarie skink die Gasvryheidsgroepie. Harriet Labuschagne ☎0833047499 is die sameroeper van die diensgroep.

VERJAARSDAGTEE

Die volgende verjaarsdagtee vind op Sondag, 6 Mei plaas. Gasvryheidsdiensgroep.

FAMILIE-ETE, SONDAG 25 FEBRUARIE

Die diakonie reël 'n spitbraai ons familie-ete op Nagmaalsondag. Koste: Volwassenes/ hoërskoolleerlinge: R60. Laerskoolleerlinge: R40. Navrae: Rineke Visser ☎0718778260. Die kaartjies kan Sondag na die erediens by die Welkomtoonbank in die hoek in die saal gekoop word. Bring jou gazebo, kampstoele, drinkgoed en vriende dan kuier ons weer lekker saam!

3 Dienskneg

ORRELBEGELEIDING

09:00 – Nannes vd Walt

OUDERLINGE AAN DIENS

Alan Brotherton/Floors Coetzee

DIAKENS AAN DIENS

Stephan Botha/Tina J v Vuuren

KOSTER AAN DIENS

Elsa Prinsloo

KOLLEKTES

Onder die erediens vir Diakonale Kas

11/02 – Sending/Evangelisasie

18/02 – Jan Kriel Instituut

DATABORDDIENS

Behartig deur die Tegniese span.

GEHOORAPPARATE



Koördineerder:
Gert Voges

Tel: 082 816 8577
E-pos: gvoges@telkomsa.net

- ✓ Bestuurders – om mense met die gemeente kombi te vervoer
- ✓ Saamry – om een of twee gemeentede op pad na 'n geleentheid op te laai en weer af te laai
- ✓ Kombi was – help daarmee om die gemeente kombi mooi skoon te hou
- ✓ Aande – om mense te help om die aandbyeenkomste by te woon deur saamrygeleentheid aan te bied

Gehoorarparate kan Sondagoggende agter in die kerk onder die trap gekry word. Vra gerus die klankman vir hulp indien u probleme daarmee ondervind.

DR. FRANS MINNIE

Dr. Frans Minnie (pastorale berader) is op **Maandae** beskikbaar by die kerk slegs vir lidmate van Gereformeerde gemeentes. Kontak die Kerkkantoor vir afsprake. Donasies kan inbetaal word by: FNB Tjekrekening No: 621 843 512 04, Takkode: 250-945.

MEDEWERKERS (ons het nog medewerkers nodig!)

Dankie vir almal wat reeds hul name opgegee het. Die medewerkerlyste is in die saal by die ouderlinge se kennisgewingbord opgesit. Kontak gerus jou wyksouderling of vir Alan Brotherton ☎️0834685243 met enige vrae.

Vervoer-span

Doel van die diensgroep

Om gemeentede na en van gemeente geleentheid te vervoer

Bedieningsgeleentheid

Beplanning van die eenheid wat behandel word vanaf Sondag 28 Januarie:

Graad 1 – 3



JEUGBEDIENING

EENHEID 1: VRIENDELIKHEID AAN DIE WERK!

Graad 4 – 6

EENHEID 1-3: WALK WITH JESUS **

Graad 7 – 9

LIFE AT SCHOOL **

Zooming in on you

Zooming in on everyone else

Graad 10 (Heidelbergse Kategismus)

Dankbaarheid

*** Die graad 4 – 9 handleiding is tans slegs in Engels beskikbaar. Ons beoog om dit so gou as moontlik te vertaal.*

Alle jeugleiers gaan so ver moontlik volgens die beplanning werk. Indien daar ander reëlins is, sal dit aan die jeug in die betrokke grade deurgegee word. U as ouer word versoek om aktief betrokke te wees by u kind se opdragte en die temas kan ook gebruik word tydens gesins-bybelstudie. Die graad 11 jeug het 'n volledig uitgewerkte lesrooster, maar dit word nie geplaas in die nuusbrief nie, aangesien hulle daarvan mag afwyk. Dit sal wel goed gekommunikeer word op hulle WhatsApp groepe.

Jeugkleingroepe vir Graad 7 – 11 sal Sondag om 16:30 plaasvind.

KINDER-EREDIENSBEGELEIDING

Kinders vanaf 2-9 jaar is welkom om by die erediensbegeleiding aan te sluit wanneer die leraar hulle vorentoe roep. Die kinders word in drie groepe verdeel en begelei. Ons versoek dat ouers van 2-3 jariges asseblief die klas saam met hul kinders moet bywoon indien moontlik. ***Ons benodig meer mense om te help!*** Enige persoon wat graag hier wil dien, kan na die erediens voor in die kerkgebou met Petra

Tromp kom gesels. Kontak gerus ook vir Petra 📞0823316151 met enige verdere vrae en voorstelle.

DIENSGROEPE

Agter in die saal, langs die welkomsbank, is daar plakkate met al die huidige diensgroepe van Trinitas. Kyk gerus daarna en kontak die sameroeper van die groep waarby jy geroepe voel om betrokke te raak.

SIEKEBESOEK DIENSGROEP

Indien jy belangstel, kontak vir James en Toetie Terblanche 📞0825723328, 0718721741 of 0169823565. Baie dankie aan almal wat so getrou siekebesoek doen.



DIE HELPER is 'n *diens* wat praktiese hulp met klein takies in en om die huis bied vir lidmate wat nie self daarmee kan regkom nie. Dit is tipies bedoel vir verswakke of bejaarde lidmate, en vir enkelopende dames. Neem gerus die vrymoedigheid om gebruik te maak van **Die Helper**. Los 'n briefie in die houtkis in die voorportaal of kontak Theuns Odendaal 📞0832561387.

KOSPAKKIE DIENSGROEP

Indien jy 'n bydrae wil maak, kan jy enige van die volgende items aankoop (**plaas dit in die groot houer in die saal**): Suiker, pasta, bullybeef, koffie, tee, soja maalvleis, grondboontjebotter, Pilchards vis, konfyt, melkpoeier, sout, pakkies sop, rys, blikkies gemengde groente, bakedbeans, tamatie- en uiesmoor, sjampoe, toiletseep, koekie Sunlight seep, toilet papier, tandepasta, tandeborsels en waslappe. Baie dankie.

Gee gerus jou naam aan Jolani Lourens
☎0823359586 om te kom help pak.

VERSPREIDING VAN KLERE

Kontak Jan van der Westhuizen ☎
0844890144 indien u wil help met die
verspreiding van klere wat die diakonie
ontvang.

4 Gestuur

EVANGELISASIE – KONINGSKINDERS

Philip Snyman ☎0834681035,
Anne-Marie Snyman ☎0798756743 of
Christa Snyman ☎0798779882.

ONDERSTEUNING VIR MADAGASKAR

Kontak: Gert Visser ☎0834491036
Bydraes: Aksie Uitreik, ABSA, rek no.
9055971748



Kontakpersoon:

Hardus Visser
☎0828215642

LOTUSLANDERS

Die eerste byeenkoms vir die jaar vind
plaas op 13 Februarie. Ons gaan heerlik
ontbyt eet om 09:30 by Boutique Riandi se
koffiewinkel geleë te 'The Junxion Centre'
onder in Frikkie Meyer boulevard. Ons
hoop van harte om julle almal daar te sien.
Alle ander belangstellendes is baie welkom.
Vir meer inligting kontak Babsie
☎0836505227 of Koos ☎0839868135.
RSVP voor of op Sondag 11 Februarie.

HERWINNING

Die Here stuur ons om sy skepping op te
pas om Hom ook so vir die wêreld wys.
Kom laai gerus jou sak herwinbare items by

die herwinningsarea af tydens kantoorure
of Sondag voor en na die eredienste. Daar
is 'n werker wat dit uitsorteer.

*Ons herwin ongelukkig nie algemene
kombuis- en tuinafval, babadoeke,
stukkende ruite, verfhouders of
plastieksakke nie en vra dat dit asseblief nie
by die herwinning afgegee sal word nie.*
Maureen van Helden ☎0923922093.



BELANGRIKE DATUMS VIR FEBRUARIE

11 Feb. Ouderlingvergadering
24 Feb. Diakonievergadering
25 Feb. Nagmaal 09:00 en 19:00

GKSA NUUS

OP DIE KENNISGEWINGBORD

- Geopende Deure
- FEBA Nuus
- E100 Afrikaanse Bybelleesplan
- Sustersaamtrek 2018
- Psalmboektoepassing vir selfone en
tablette

**Besoek GK Trinitas se facebook-blad
weekliks vir preekopsommings, GKSA
nuus en afkondigings.**

KRUISPAD

Kruispad is die jeugtydskrif van die GKSA
(www.kruispad.net). Stuur 'n e-pos aan
kantoor@kruispad.net indien jy wil inteken
of 'n artikel wil skryf.

SUSTERSAAMTREK 2018

Die Geref. Kerk Heilbron nooi alles Susters
hartlik uit na die sustersaamtrek.

Wanneer: Saterdag, 3 Maart.

Tyd: 08:30

Koste: R120/persoon

Waar: Vegkop feesterrein

Spreker: GP van Rheede van Oudtshoorn

Tema: "Skuil onder God se vleuels"

Skryf jou naam op die lys in die saal. Betaal die gelde by Elsabé by die kerkkantoor in **VOOR** 19 Februarie.

TRINITAS-BOEKHOEK

Neem gerus van die boeke agter in die saal om by die huis te lees en bring dit weer terug wanneer jy klaar is daarmee.

Franciska vd Merwe ☎0827818032.

KLEIN ADVERTENSIES

- Laerskool, graad 8 en graad 9 Wiskunde klasse. R150 per uur. Elizma Powell ☎0792904140.
- Theuns Odendaal ☎0832561387 verkoop hoenders en groente van tyd tot tyd. Kontak hom gerus vir pryse.
- KUNSKLASSE graad 8 – 12

NATUURLIKE KERKONTWIKKELING

Passievolle geestelikheid – Dit is moeilik om 'n term te kry om almal se uiteenlopende style van geestelikheid te beskryf. Die belangrikheid is nie soseer dat geestelikheid uitgedruk word nie, maar dat geloof met ywer, vuur en entoesiasme uitgeleef word. Die graad van geestelikheid bring juis skeiding tussen groeiende en nie-groeiende kerke. Ons kan onself die vraag vra: "Is gelowiges werklik vuur en vlam?" Hierdie karaktereienskap wys daarop dat die strukture en programme wat kerke in plek stel van sekondêre belang is. 'n Kerk wat sy geloof met passie uitleef, sal sukses behaal, ongeag die metode. Die ander kant is ook waar – kerke misluk dikwels omdat hulle talle strukture in plek het, maar geestelikheid en ywer in die geloof ontbreek. Ons kan die beeld van 'n kar gebruik – ten spyte van die netjiese lyne, leersitplekke en goeie klanksisteem gaan daardie kar nêrens heen as sy brandstoftenk leeg is nie. Ons probeer dikwels om sisteme in plek te kry om hierdie geestelikheid kunsmatig aan die lewe te hou. Ons moet dalk eerder mekaar deur ons gawes en leierskap aanmoedig om ons geestelikheid werklik uit te leef sodat die passie en ywer aansteeklik word.

Het jy 'n passie vir kuns? Kom raak saam kreatief! Rineke Visser ☎0718778260.

- Gerhard du Plessis ☎0658055245 benodig werk. (Nutsman, ongekwalifiseerde sweiser en 'boilermaker')
- Hennie van der Merwe ☎0837836677 (Catharina Botes se skoonseun) was produksiebestuurder by Mittal Staal en het daarna vir vyf jaar sy eie drukkerij besigheid gehad. Hy het tans geen werk en geen inkomste nie. Hy sal enigiets doen om vir sy vrou en kinders te sorg. Hy is ook baie vaardig met sy hande.

KONTAK ONS

www.gktrinitas.co.za



GKTrinitas

Kerkkantoor: Elsabé Muller

☎0169825017 / 0724874258

NAGMAAL-AANSOEKE IN TRINITAS

Ons wil baie graag hê dat Nagmaal die inspirerende en versterkende geleentheid vir elke Christen sal wees waarvoor Jesus Christus dit bedoel het: Om die evangelie prakties te kan sien, weer saam daarvoor bly te wees en bemoedig te word om met nuwe toewyding Jesus te volg as sy dissipels! Dit is daarom ook verder logies dat mense wat nie as belydende Christene sy dissipels is nie, nie Nagmaal kan gebruik nie. Ook mense wat hulself Christene noem, maar nie omgee om Jesus te volg nie en steeds hardnekkig in sonde volhard, kan nie aan Nagmaal deelneem nie. Party kerke gee nie werklik oor hierdie dinge om nie en het 'n 'oop' Nagmaal wat beteken dat enige persoon/besoeker Nagmaal kan gebruik. Ons gee wel om hieroor en het nie 'n 'oop' Nagmaal nie. In ons kerkverband (die GKSA) is Nagmaal net 'oop' vir mense van buite ons gemeente wat al hul geloof van gereformeerde aard openlik in 'n kerk bely het én van wie daar getuienis is dat hulle Jesus werklik met hulle lewens volg (Kerkorde Art 61). Dit is ons kerkraad se verantwoordelikheid om, sover dit moontlik is, hierdie getuienis na te gaan. Ons wil dit ook met wysheid doen en nie in liefdeloosheid God se kinders wegwys deur slaafs net wette te volg nie.

Die volgende kriteria geld dus tydens toelating tot Nagmaal by Trinitas:

- Lidmate uit ander gemeentes van die GKSA of ander gereformeerde kerke met wie die GKSA formeel bande kan het, kan by die kerkraad aansoek doen om saam Nagmaal te vier. Daar moet getuienis wees van hul lidmaatskap, asook van hulle lewenswandel.
- Lidmate van kerke buite hierdie kring kan ook met erkende getuienis (oor hul belydenis en lewenswandel) deur die kerkraad toegelaat word.

Nagmaal is dus nie oop vir enigeen om op die ingewing van die oomblik te kom deelneem nie. Daarom gee ons hieronder die volgende riglyne.

Indien jy vriende/familie het wat nie lidmate is nie en saam Nagmaal wil vier, vra ons:

1. Dat jy vooraf sy/haar voorneme aan 'n ouderling of die predikant bekend sal maak.
2. Dat jy sal vra dat so iemand een van die volgende *vooraf* sal doen:
 - a. 'n brief van getuienis vanaf sy/haar kerk sal laat aanstuur waarin die Nagmaalviering aanbeveel word;
 - b. of kontakbesonderhede van sy/haar plaaslike predikant/ouderling sal voorsien;
 - c. of ten minste 'n geleentheid sal help reël waartydens die wese van Nagmaal deurgepraat kan word met daardie persoon – saam met ons ouderlinge en/of predikant.
3. Hierdie aansoek moet op die heel laaste *vier dae* voor die betrokke Nagmaal (tipies die voorafgaande Woensdag) aan ons kerkraad bekend wees. Dit sal verseker dat daar genoegsame tyd is om op te volg indien daar verdere inligting oor die getuienis benodig word.
4. Indien die persoon 'n lidmaat van 'n Gereformeerde Kerk is, kan daar egter steeds met die nodige getuienisbrief die Sondagoggend voor Nagmaal aansoek gedoen word.
5. Die Kerkraad sal dus nie sonder genoegsame getuienis enige Nagmaal-aansoeke aanvaar nie. Ons hoop jy verstaan hoe ons Nagmaal-aansoeke werk, veral hoekom dit so werk en dat jy dit ook só vir jou gaste kan verduidelik. Ons wil regtig graag hê dat Nagmaal nie ongelukkigheid moet veroorsaak nie, maar op 'n verantwoordelike manier, met die grootste moontlike betekenis van groot waarde vir almal sal wees.